

Band XI., Nr. 5142, Seite 148-149

Heinrich der Brucher kauft von dem Komtur und den Brüdern zu Altshausen für sich und seine vier Söhne als Leibgeding ein Gut zu Mieterkingen.

Ohne Ortsangabe, 1298. Juni 15.

Ich Heinrich der Brucher thûn kûnt allen den, die disen brief ane sehent oder horent lesen, daz ich han kouft umbe den commendur und die bruder des Thûzenhuses zu Althusen daz gût zu Mütterchingen, do Heinrich Bûze uffte sas, umbe nûndehalbe marc silbers zu eime rehten lipgedinge vûnf liben, mir selben und vier kinden Albreht Benzen Cunzen und Ûlrich, und sùllent daz vor genante gût niessen einer nach dem ander alle die wîle, daz under uns einer lebet, und swen wir vûnf libe niht ensint, also wir do vor genant sin, so sol daz vor genante gut ledic sin dem vor genanten commendûr und den brudern des vor genanten huses zu Alshusen. Das¹ dis stete und war belibe, so henken wir vröwe Adelheit appetissen zû Bûohûwe durch die bette des vor genanten commendûrs und der brüder von Alshusen und ouch durch die bete des vor genanten H. Bruchers und siner kinde unser ingesigel an diesen brief ze einem warn urkunde. Dis sint gezuge, die es sahent und hortent: Ûlrich der Nûber, Cûnze Kröwel, Heinrich Bockelin, Ulrich und Heinrich die Heren, Rudeger von Hagenöwen, meiger Ulrich der Rude und Heinrich von Hagenöwe und ander erber lûte gnuge.

Dis geschach, do nach gotes geburte was thûsent jar und drû hundert jar ane zwei jar, an sancte Vîtes thage.

—

An braun- und weißer Leinenschnur spitzovales Siegel, 50,30 mm., sitzende Heilige, in der Linken die Märtyrerpalme, in der Rechten einen unkenntlichen Gegenstand haltend; Umschrift: + • S • ADELHAIDIS • ABBE • BVCHAVGENSIS.

¹Von hier an andere Hand und Tinte.

Überlieferung und Publikationen

Lagerort:

HStA Stuttgart

Signatur/Titel des Originals:

B 343 U 189

Weitere Angaben

Sprache:

Deutsch

Ausstellungsort:

Ohne Ortsangabe

Aussteller:

Heinrich; der Brucher

Ortsindex:

Altshausen Wohnplatz (18642)

Altshausen, RV

Bad Buchau Wohnplatz (17062)

Bad Buchau, BC

Hagnau am Bodensee Wohnplatz (17923)

Hagnau am Bodensee, FN

Mieterkingen Wohnplatz (21069)

Mieterkingen, Herbertingen, SIG